



# ICS2

## Treće izdanje:

Pripremite vašu kompaniju za slanje robe u ili kroz EU pomorskim ili unutrašnjim plovim putevima



**Treće izdanje sistema sigurnosti prije ulaska u Evropsku uniju – Sistem kontrole uvoza 2 (ICS2) – stupa na snagu 3. juna 2024. godine.**

ICS2 je IT sistem koji prikuplja podatke o svojoj robi koja ulazi u EU prije nego što ista stigne do odredišta. Ako učestvujete u upravljanju robom ili otpremi i prevozu iste (uključujući ekspresne i poštanske pošiljke) u ili kroz EU, Sjevernu Irsku ili Švicarsku **pomorskim ili unutrašnjim plovim putevima**, morate se upoznati sa **novim zahtjevima ICS2 sistema** i preduzeti neophodne korake da se uskladite sa njima. Zahtjevi se tiču i kompanija koje posluju elektronskim putem, tj. putem e-trgovine.


### Šta će se promijeniti?

Ukratko, bit će potrebno da elektronskim putem u okviru ICS2 sistema dostavite niz obaveznih i detaljnih informacija o robi koja se prevozi u obliku **potpune ulazne skraćene deklaracije (ENS)**.

**Neophodne informacije za svaku stavku su:**



potpun i tačan komercijalni opis



šesticifrena šifra robe u skladu s HS-om



dodatni podaci strana učesnika  
(npr. prodavac, kupac, primalac konosmana najnižeg nivoa, pošiljalac)



EORI<sup>1</sup> broj  
(ako je dodijeljen stranama)

**Radi usklađivanja sa ENS zahtjevima za podatke, ICS2 omogućuje dostavljanje podataka u više navrata.**

**U slučaju da ste prevoznik i izdajete konosman na nivou glavnog ugovora**, morat ćete da nabavite neophodne podatke iz svih povezanih konosmana na nivou internih ugovora izdatih od strane špeditera (to uključuje i ekvivalentne prevozne dokumente izdate od strane poštanskih operatera i operatera koji se bave ekspresnim pošiljkama). U neophodne informacije spadaju podaci o kupcu i prodavcu dostupni primaocu konosmana najnižeg nivoa internog ugovora. Ako špediter ne podijeli tražene podatke, tada ćete morati podnijeti djelimični ENS na osnovu konosmana na nivou glavnog ugovora i navesti EORI špeditera pri slanju podataka. Špediter tada postaje odgovoran za dostavljanje podataka na nivou internog ugovora ICS2 sistemu i morat će da nabavi podatke od drugih strana koje izdaju konosmane na nivou internog ugovora ili da navede identitet strana koje također trebaju da dostave podatke pri slanju djelimične ENS.

**U slučaju da ste prevoznik i izdajete konosman na ime**, morat ćete nabaviti određene dodatne komercijalne podatke od primaoca sa sjedištem u EU. Ako primalac ne podijeli tražene podatke, morat ćete navesti njegov EORI u djelimičnoj ENS koju dostavljate i primalac postaje odgovoran za dostavljanje navedenih podataka ICS2 sistemu.

**U slučaju da ste špediter, poštanski operater ili operater koji se bavi ekspresnim pošiljkama i izdajete konosman na nivou internog ugovora ili ekvivalentni dokument**, morat ćete obavijestiti prevoznika (ili tzv. "špeditera na nivou glavnog ugovora" ako ste strana koja učestvuje u konsolidaciji tereta) kome ste izdali konosman na nivou internog ugovora. Morat ćete podijeliti neophodne podatke s prevoznikom ili špediterom na nivou glavnog ugovora ili sami dostaviti djelimičnu ENS ICS2 sistemu koja sadrži određene komercijalne podatke koje možete nabaviti od primaoca konosmana najnižeg nivoa internog ugovora sa sjedištem u EU.

*Napomena za primaoce: postoji mogućnost da ćete morati dostaviti ENS sa podacima o kupcu i prodavcu u zavisnosti od ugovora zaključenog između strana.*

<sup>1</sup> Registar i identifikacioni broj privrednog subjekta.

## Važni datumi koje treba zapamtiti:

Morat ćete podnijeti zahtjev za dostavljanje podataka ICS2 sistemu tokom **vremenski ograničenog perioda implementacije**. Trebalo bi da to uradite putem države članice u kojoj je registriran EORI broj koji će se koristiti za dostavljanje podataka ICS2 sistemu.

Za **prevoznike pomorskim i unutrašnjim plovim putevima** period implementacije traje od **3. juna 2024. do 4. decembra 2024.**

Za **prevoznike koji saobraćaju pomorskim i unutrašnjim plovim putevima sa internim ugovorom** traje od **4. decembra 2024. do 1. aprila 2025.**



## Kako se pripremiti?

**UPOZNAJTE SE** sa novim zahtjevima:

- › Web lokacija Evropske komisije i često postavljana pitanja
- › Platforma za dijeljenje dokumenata Evropske komisije – CIRCABC

**ODLUČITE** da li želite sami dostavljati potpune ENS podatke ICS2 sistemu ili **UGOVORITI** sa klijentima da vi kao prevoznik dostavljate podatke na nivou glavnog ugovora, a da oni dostavljaju neophodne nepotpune podatke ICS2 sistemu na sopstvenu odgovornost unutar određenog zakonskog roka.

**NABAVITE** EORI broj od carinskih organa države članice EU. Više informacija na **ovoj lokaciji**.


**AŽURIRAJTE** IT sisteme za direktno povezivanje na ICS2 sistem ili **SKLOPITE UGOVOR** sa davaocem IT usluga za slanje ENS podataka. Obratite se **Državnoj službi za podršku** države članice u kojoj je registriran vaš EORI broj za smjernice. Da biste preduzeli prve korake prema tehničkoj pripremi također možete pogledati **ovaj informativni list**.

**UVJERITE SE** da ste uspostavili poslovne procese neophodne za usklađivanje sa zahtjevima ICS2 sistema za dostavljanje podataka u više navrata ili primanje obavještenja od carinskih organa, uključujući operativne protokole u slučaju kvara sistema.

**OBUČITE** osoblje i dodijelite resurse za upravljanje ažuriranim IT sistemima i poslovnim procesima.

**SPROVEDITE** obavezno testiranje samousaglašenosti počevši od 11. decembra 2023. godine da biste se uvjerali da vaši IT sistemi mogu slati ICS2 sistemu tehničke poruke i primati iste od njega. Pogledajte **dokument o organizaciji testiranja samousaglašenosti** za više smjernica.

**ZATRAŽITE** period implementacije od države članice u kojoj je EORI registriran da biste se povezali na ICS2 sistem u toku zakonskog roka.



## Šta će se dogoditi ako ne budete spremni na vrijeme?

- › Roba će se zaustaviti i zadržati na carinskim granicama EU.
- › Carinski organi neće cariniti navedenu robu.
- › Neadekvatne deklaracije se odbacuju ili postaju predmet intervencije te su moguće sankcije za neusklađenost sa sistemom.



**BUDITE U TOKU S ICS2**  
Saznajte više na web lokaciji: [ec.europa.eu/ICS2](https://ec.europa.eu/ICS2)



Publications Office  
of the European Union